



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### აბესაძე დავით ნოდარის ძე

აბესაძე დავით ნოდარის ძე (დ. 1. VIII. 1951, თბილისი), მომღერალი (ტენორი). საქართვე. სახ. არტისტი (1988).

1973 დაამთავრა სპი-ის არქიტექტურის ფაკ-ტი, 1980 – თბილისის ი. ჭავჭავაძის სახ. უცხო ენათა პედ. ინ-ტის ინგლისური ენის ფაკ-ტი. 1973–84 მუშაობდა „საქქალაქმშენსახპროექტის“ არქიტექტორად, 1984-იდან „საქკოლოპრეკლამის“ კომბინატის მთ. მხატვარია. ა-მ 1970 – ჯერ კიდევ სტუდენტობის დროს – თ. სეფერთელაძესა და მ. თავართქილაძესთან ერთად პოლიტექ. ინ-ტში ჩამოაყალიბა ვოკალური ანსამბლი „ცისფერი ტრიო“, რ-იც 1973-იდან გამოდის როგორც საქართვე. სახელმწ. ფილარმონიის პროფ. კოლექტივი. ა-ის შესრულება გამოირჩევა უშუალოდით, ემოციურობით. აქვს ლამაზი ტემბრის ხმა, ოსტატურად ასრულებს აკომპანემენტს გიტარასა და ფანდურზე. ა. ანსამბლთან ერთად გასტროლებზე იყო საზღვარგარეთის მრავალ ქვეყანაში (გფრ, დანია, ნიდერლანდი, საფრანგეთი, ინგლისი, ფინეთი, ნორვეგია, შვეცია, იაპონია, აშშ, მექსიკა, იუგოსლავია, ჩეხოსლოვაკია, რუმინეთი, ალჟირი, მაროკო და სხვ.). 1979-იდან საქართვე. ტელერადიოს სოლისტია.

---